

աւուրց Աղէքսանդրոս ոմն վկայասէր՝ շինեաց տաճար մեծապայծառ 'ի Ս. Բաղաքն Երուսաղէմ, որ զինի ժամանակաց աւերեցաւ 'ի Թուրքաց (1) . եւ բազում պաղատանօք անդր ժողկեաց զնշխարս Նախավկային . եւ զինի մահուան իւրոյ՝ կին նորին Յուլիանէ այրի տարաւ զնշխարս սրբոյն Ստեփաննոսի տապանակաւ 'ի Կոստանդինուպօլիս յաւուրս Յորնաղ Պատրիարքի Ս. քաղաքին : Այս ամենայն ընդարձակագոյն պատմի 'ի Ճառ ընտիրն մեր . Տէս նաեւ 'ի Վարդ Սբէրոյ . Հար . Ժ . 268 : Իսկ Նեկտառիոս եպիսկոպոս 'ի պատմել զԳիւտ նշխարաց Նախավկային եւ որոց ընդ նմա , զտեսիլ Դուկիանոսի քահանային մեկնարանօրէն գրէ , որպէս աւանդի 'ի նոյն Ճառ ընտիրն :

Թէպէտ են ոմանք որք գրեն թէ՝ Եւգոկիա բարեպաշտ Թադուհէ , կին Թէոդոսի Փոքու՝ երթեալ յուխտ 'ի Ս. Բաղաքն Երուսաղէմ, արար անդ բազում շինութիւնս , եւ կառոյց Տաճար յանուն սրբոյն Ստեփաննոսի Նախավկայի , եւ պողոպեր եղեւ եկեղեցեաց եւ Ս. Տեղեաց բազում ընծայելք . եւ Յորնաղ Հայրապետն Երուսաղէմի ետ Թադուհէոյն փոխարէն Հոգեւոր պարգեւս , ընդ որս եւ զխանձարուրս Փրկչին եւ զշրթայս սրբոյն Պետրոսի առաքելոյ : Զունիմք ասել ինչ զգալատենէ Թադուհէոյն յԵրուսաղէմ , բայց շինումն Տաճարի , եւ փոխադրութիւն նշխարաց Նախավկային 'ի Կոստանդինուպօլիս , եղեն 'ի ձեռս Աղէքսանդրոսի եւ կնոջ նորա Յուլիանեայ :

Իսկ երջանիկ Հայրապետն Յովհաննէս Հանգիպեալ այսպիսի Աստուածապարգեւ Հոգեւոր գանձուց 'ի վերջին

(1) Իսկ 'ի ժամանակս մեր գտաւ տեղի եկեղեցւոյն 'ի հիւսիսակողմն քաղաքին եւ 'ի մէջ դրան Գառնիկոսի եւ շիրմին Թադուհէոյն Հայոց Հեղինակ . յասակ եկեղեցւոյն միայն գտաւ ամբողջ եւ քանի մի յաւանքն տառք . պատկերք Առաքելոյ նկարեալ 'ի վերայ քարանոց , տեղի խորանին , չրամբարք Յ. եւ տեղի գերեզմանաց Յ. օտորերկրեաց եւ 'ի վերայ նոցա մուկոյք պատուականք այլովքն հանգերձ : Զայս տեղի գնեալ յանգէտս այր ոմն ազգաւ Յոյն եւ 'ի մարբել զճոյս եւ զքարինս՝ եգիտ զտեղի եկեղեցւոյն Ս. Ստեփաննոսի , եւ յետոյ վաճառեաց զայն Գաղղիացւոյ : Նիկիոս Էպիսկոպոս Առիւրճանի յուխտաւորութեան իւրում 1485 ամին , գրէ այսպէս . մերձ 'ի պարիսպն Երուսաղէմի յուշանեն զգերեզմանս Գառնիկէն եւ Ս. Ստեփաննոսի :